山庫全幸

史部

欽定四庫全書

碟批諭 古卷二百十二下 史部

詳校官尚書臣德 修臣妻 議覆勘

保

鮨

校對官監逐臣張曾炳 總校官中書臣朱 謄録舉人臣史殿荣

鈴

碟批諭旨訓海精詳開導明切臣 次七四車上 /殊批諭旨 神経 さつかん 捧寫臣先後奏摺回蘭臣謹跪迎進 一十六日蘭州巡撫臣許容謹 惟有恪遵

聖鑒謹 **朕雖愛汝望汝汝若不自策勵不自顧惜朕亦** 硃批大學士等原議 硃批奏摺竝 深恩耳謹將奉到 聖訓以忠誠為根本以言行相符為箴砭總期無負我 奏 一爱臣望臣至大至切之 摺 卷二百十二下 併繕摺恭繳伏惟

一欽差大臣查弼納等以寧先勿後改於正月十三日頭 次三日戶 AI MIO 一一八味批諭旨 聞今目下一切事宜俱已辦理将次齊全無誤其平凉 之力也 何確遵訓諭與否亦在汝自省自驗而已他人莫能為 奏為奏明軍需事竊查西路軍需節經臣繕摺奏 起起程分為五起間日一發甘凉糧車大將軍 糧車原議正月二十三日頭起起程嗣經 同日又 臣

金グログノ言 於大將軍原議之外各府另派文職 壮內有寧夏鎮營員惟恐倒斃賠累不敢接收 營員解送亦金湖因水凍草枯羊隻未能十分廳 府前經大将軍行令每府各採買羊四萬隻派撥 起程統在三月内齊全出口再寧夏西寧凉州三 岳鍾琪惟恐中途擁擠俱改於二月初六日頭起 員協同營員解送并令採買加 面知會大将軍一面咨商 卷二百十二下 員帶領雜 臣

欽差咨覆准行復令經過內地州縣支給料草飼餧保 欽差嗣准 とこうう こう 牲口可以馱載前往馬會伯曾否咨商大将軍 大營尚易辦理但進制之時大營有無此項富餘 軍估定進期官兵口糧若改運糧石自內地運送 來咨隨與查獨納等公同斟酌此項羊隻係大将 臣馬會伯咨令停買羊隻照數估撥糧石臣接准 其臕力俱經飭令遵照在案復准辦理軍需尚書 /珠比衛旨

開謹 金好四月全書 聖懷理合奏 奏 不解汝具何面皮而為此奏也若非特差部臣前往 該道府将前項羊隻仍照前檄辦理解送一面行 内並未聲明恐有岐誤所關匪細一 足總期無誤軍需不致上厪 令孔毓璞預備糧石轉運肅州寧使有餘毋令不 卷二百十二下 一面仍飛令各

砩 飲定四車全書 硃批事竊臣家人捧齊臣先後奏摺回署奉有 **繁朕心曲廼云不致上厪聖懷亦可謂無恥之甚者也** 何光景而汝等之身家性命亦不知作何結局矣事事 理獨倚恃汝等陝甘大員辦集其事不知遲誤至如 批臣敬謹跪讀記臣庸碌無能辦理軍需未能妥協 奏為恭繳 致厪 雅正八年三月二十六日蘭州巡撫臣許容謹 林北衛首 四

聖懷 欽差大臣督率料理臣 訓旨調度得宜所有糧車七千輛據布政使孔蘇璞禀 等處養養駝隻經提鎮道府公同挑選堪以馱運 駝六千四百餘隻內三月出口駝三千九百七十 稱三月十九日已齊全起運出口其甘凉寧西肅 臣 隻俱已解齊甘凉馱運赴肅四月出口駝二千四 查 弼納等仰承 惭愧無地悚懼靡寧今幸尚書

飲定四庫全書 一人味地湖省 官兵裹帶口糧以及沿途供支草東俱經的今地 合奏 採買齊全現在加意餧養至寧夏西寧應備噶斯 甘凉西三府寬備餘羊以供挑選亦俱現在分起 方官備辨齊全所有現在軍需將次全竣緣由理 陸續解送再噶斯軍需應偷馬匹張廷棟等已報 十二萬隻於加一餘羊之外又經查獨納等飭令 百餘隻亦現在起發前赴甘凉裝運至採買羊 5

皆感畏 硃批奏摺繕摺恭繳謹 波教汝身家性命較自御史五年内擢至撫任之思上 矣亟當知之封疆大吏平時不能開誠布公今屬員咸 殊為汝憂之此番軍需朕代為挽將覆之轍回已頹之 庸碌無能且置勿言但愚昧寡識全不計利害輕重朕 遇地方有事斷不免叢胜之 /虞岐誤之

天無慚處踐履方可保終身安適也朕此諭乃汝畢生之 斷案試行看 私衷避重就輕之巧念切勿更萌惟須確秉公誠向對 朕於檢選人員有犯尚必倍加懲處況如許容輩過家 大三日后 二十 格外知遇之恩者耶嗣後當詳悉審度凡趨利遂害之 臨機應變之際又復畏難而不體國懷私而不奉公未 有不累及身家性命者此理顯而易見無如庸碌愚昧 流情馬其覺目前雖幸免大譴捫心自問能無愧乎 味此諭旨

金好四屋子書 奏為奏明事竊查雍正七年正月內固原地方拏獲 奏明在案嗣經岳鍾琪飭發西安藩臬兩司審明馬 俱經臣 内提赴西安質審後拏獲馬忠妻女亦提往西安 同日又 忠即馬建原在秦州錐鞋生理因家貧無計有秦 州畫匠張拱辰教以造作紅旗一面上寫番字復 妖言匪棍馬忠一案經大將軍岳鍾琪在總督任 卷二百十二下 とこうえいた 恐拖累無辜將一干人犯發令甘肅按察使李世 岳鍾琪因開單之何居廣遠在泰州未曾到案誠 民無如回教人等毫無所贈遂至原任提督馬煥 日情事歷歷有據畫匠張拱辰亦供無異詞督臣 六馬倉等均屬無辜扳害且伊妻女供伊出門 家內捏造狂言希圖賺騙歷訊所供之劉文秉馬 取盤纏馬忠遂執旗沿途假稱官差稽查愚哄回 令秦州民人何居廣開寫所往地名向伊回教騙 一張 珠比衛旨

|動坑匹庫全書 奏明交臣就近審擬之案批令呈解臣衙門核擬 **倬就近拘提何居廣質訊定擬經李世倬訊明與** 惡今已伏真誅亦其扳累多人之孽報不爽至張 馬忠貧而無賴詐稱官司差遣圖騙錢財情甚可 随提訊各犯再三研鞫供吐確鑿毫無疑實臣查 查郎阿查係岳鍾琪 辰擬徒開單之何居廣擬杖具文詳報經署督臣 西安所審相符而馬忠旋即病故將盡旗之張拱 卷二百十二下 臣

设主四車全雪 混以伏冥誅三字率意奏聞若似乎以草草結案為幸 聞之案理合將審明完結緣由繕摺 者類斯識見甚屬庸鄙何以克稱封疆之職耶 此等要犯漫不經心至於瘐斃毫無引咎自責之辭而 奏 奏明謹 從前奏 拱辰何居廣應如司擬分別杖徒照例外結緣係 除批論旨

聞事竊查甘屬之陷州成縣西河 全りじんと言 奏為奏 質更有劣於從中把持此風相沿已久近來臣聞 其追比再則使百姓遠去便於捏開民欠無可 言煽惑愚民迫令躲避 雅正八年四月初八)蜀刀民抗欠錢糧歷年累積且有姦頑里甲 包攬侵蝕習為故常 卷二百 日蘭州巡撫臣 則挾官長以不得不緩 經州縣催徵即布散謠 帶僻處深山地連 許容謹 頭

欠日日年日 於 地 州援額方於 康 兩縣密行查訪兹據魯興禀稱 中 在 西和成縣所管屯民内有遷往四川者有遷赴 牧引加上是 清釐振頓 熙六十 者 陳向重不出 臣 舜時之能其裔惡説化故 因未得實情随密檄秦州 一 殊批論旨 惡說化故 年 積習而包攬之頭 因 徵以赫万楊 以來積欠甚多今該 比希逃頑言 錢免居致知 殊情有苛 有 到西 難以掩其侵 知 和地 登 縣王宇樂 州魯與前 面正舉以 方 因 之不陷责賦 意 自 住

知廉 題恭現在審擬此種 樂經前護撫鍾四郎為何物之人 行具 會與將成縣逃民確情逐一 查拏倡造謠言之頭人嚴加究治以儆 民令其安業并将已去之民勸諭招復一 暫行緩徵其五六七等年舊欠分限完納晓諭 令該縣先行出示将六十一年至雅正四年舊欠 保也 卷二百十二下 刁風漸不可長復飛諭會與密 訪查俟料理停妥再 刀風復令 面密行 居

阿知之 聞謹 歷來精明强幹督撫能消患於未前擿姦於未發之所 查郎阿亦經摺奏矣其嚴查確情以聞凡此皆由汝等 趙面丧盡朕實代汝等不勝慙恐将此諭亦令查郎 奏 灰為此合先奏 雍 正八年五月二十 日蘭州巡 撫臣 許容謹

欽定四庫全書 旨事竊惟寧夏富饒甲於甘省誠以渠流暢達尺土皆 聖恩開濟惠農昌潤二渠添設新渠寶豐二 心脈咸周 八清漢唐三渠仰見 諭命侍郎臣通智等估修 奏為請 野利用益充兹又奉 屬膏腴近者荷蒙 两山諸旨 縣金城沃

訓旨於七八月間赴寧閱看今通智史在甲等礼商到 聖恩普被第臣未得身至其地不敢懸定章程正擬繕 恩旨動工修補件邊郡黎元永享盈寧之慶臣理應與 **招奏請** 為寧民衣食之源今奉 弊禁遏刀頑然後大工可以次第舉行臣思三渠 通智等協同料理以仰副 臣 以估修三渠必得地方各官公同辦理清釐積

皇上允臣所請親至寧城 聖恩且七八月間軍需之銷算可竣秋禾之灌溉甫畢 天恩大約往返一月有奇所有應辦事件仍可随在料 渠斟酌分派地方各官使無推該 理不敢貽誤為此謹 新渠之制度招徕户口均霑浩蕩 正可乗時勘估伏祈 則與通智等公同查勘舊 一則得以躬瞻

聖懷事竊查甘屬地方比年以來荷蒙 渠工現有通智等董率其事但嚴飭屬員與之同心協 とこうDIE !!! 一味批論旨 聖恩優渥黎庶富饒今歲更沐 寧可舍此而就彼耶不知審度輕重徒以奔走為效力 何其愚淺無識至於此極 力母致掣肘推諉則已七八月間正值辦理軍需之 奏為恭報甘屬收成分數仰慰 雍正八年十月初十日蘭州巡撫臣許容謹 <u>+</u> 際

天心協應翊贊 金分四月全書 聞兹據各屬具報收成分數前來統計八府三州及安 皇猷甘雨應期惠風遐暢前據寧夏府之新渠縣詳 恩膏疊沛蠲賑頻加是以民情之感戴歡於雖僻壌鄉 靖 雙岐瑞麥臣業經繕捐奏 隅莫不謳歌而頌禱而 十之五八分者居十之一 二廳各所屬收成十分者居十之四九分者居 卷二百十二下 一夏秋雨禾咸登大有嗣 報

天和之保合祇緣從前欽奉 聖恩闢田濬渠授墨給種數百年紅柳黃沙今頓成花 諭旨是以未敢進 大三丁豆 三十 獻惟是新渠寶豐荷蒙 萃地利之豐腴玉粒堅圓粒粒受 村麥隴至於寧夏三渠又奉 各數十本到臣臣敬謹捧閱見夫金並秀發並並 據寧夏寶豐二縣呈齊瑞穀雙穗以至九穗者 一 / 珠比諭旨

天意不著奇祥瑞麥嘉禾疊呈拉見從此豫大豐亨之象 麻以仰副 昌期親兹 金好四月全書 恩綸不惜帑金大與修葺務使寧民獲享萬年美利是 - 瑞惟有益加警勵敬迓 以上孚 際 已兆於經營創始之時萬姓歡呼歌聲四徹臣欣 卷二百十二下

天鑒佑也 欽定四軍全書 · 一、味批論治 之道屏除利己私表自蒙 甘屬收成分數覽奏已悉能翻然醒悟知愛身為害身 聞為此謹 聖諭之諄諄耳所有甘省收成大稔緣由理合奏 奏為奏 奏 雅正八年十二月初二日蘭州巡撫臣許容謹 +

開今據肅州道齊式又續報十一月十九二十一等日 聞事竊查辨運駐歇一 前共報運出口縣車五千六百三十五輛駝三千 爾納沁記連前運送米麵合算共運送出口糧三 千四百七十六石炒麵三千六百四十觔運送塔 共起發出口車一千一百二十六輛共裝栗米四 四石麵七十二萬六千五十觔業經繕摺奏 一百八隻共運送出口粟米二萬二千五百七十 年官兵口糧十一月十六日以 是二百十二下 次三四車之島 原林諭旨 秦十一 奏挑選騾一千七百七十五頭駝四百五十六隻外 騾除前 萬二千六百六十三石零據孔毓璞禀稱歲內可 報挑選騾一千二百三十九頭亦現在起運出口 運糧五萬石等語則所餘剰二萬石有零明春正 今又挑選八十一 月間自可運送全坡再甘省雇寬駝縣除前 月十六日止挑選六百五十九頭外今又據 頭現在起運出口陝省雇覓之 五

覽奏知道了漢儒有言正其誼不謀其利明其道不計 聞伏祈 欽差內閣學士班第於十一月二十日到肅 奏 一春鑒謹 馬駝等物俱已辦齊於二十四日可以出口理合 井奏 據孔蘇璞禀稱 卷二百十二下 應需用

其功然果能殫精悉力竭蹙奉公不存一已利害私心 未有不赏

一天神明之庇佑成全者也 雅正九年二月初二日蘭州巡撫臣許容謹

奏為恭繳

飲定四車全書 一味批論旨 硃批辦理外伏念臣本庸陋叨荷 硃批奏摺事竊臣家人齊臣先後奏摺回蘭臣跪迎進 署敬謹開讀俱欽遵

は

上天國法冥誅均難逃避臣雖下愚屢家 皇上始終成全之 君父即獲罪於 殊恩值此軍需孔函之時正臣子竭力圖報之日一 天恩多方開導當益悚然覺悟風夜靡寧以不負我 徳意所有奉到 利害之私心以至瞻顧遲疑貽誤公事則獲罪於 應行事宜敢不黽勉自朂以希寸效若稍存計較 七刀

钦定四車全書 一〇味北渝省 聖訓指示恩深微臣感戴情切密摺恭 憑藉以辨集繁劇事務耶謹誌勿忘莫負朕之倚任 深刻褊淺之庇所當切戒不得屬員感服之心將何所 睿鑒謹 硃批奏摺理合恭繳伏惟 奏為 雍正九年三月初六日蘭州巡撫臣許容謹

|俞陜廿二省年來辦理軍需雖皆動用正項錢糧民 急未免擾民其查核錢糧固不可聽其浮冒開銷 另降諭旨加恩獎勉但必得地方大吏能仰體朕心 問無絲毫之費然輸輓糧運伺候差徭不無勞苦已 謝事雅正九年三月初二日接到大學士公馬爾賽 過於苛刻則必致剝民督撫大員若嚴緊一分則 等字寄雍正九年二月二十二日奉 應料理軍務固不可任其遷延遲緩而過於迫 但

縣官必於百姓加緊一 催促必不敢少緩須臾則問間未免驚擾此皆太過 得一分之惠許容孔毓璞辦理西路軍需亦各盡心 付給則百姓不無虧折孔毓璞失之匆廹州縣懼其 竭力但許容失之細刻州縣懼其核減恐不能照價 其開銷物料脚運之費亦必準酌時價不可十分核 外遲緩無多而其人之才有可用者不妨畧寬容之 之弊也爾等可密寄信去凡承辦州縣或於原限之 一十十七旬日 倍如能寬容 一分則小民即

金元正庫全書 ₩ & 面十二下 旨寄信前來臣跪讀之下仰見我 皇上運懷民隐體恤官員 簡任巡撫恒恐措置垂方辜負 一慈愷惻怙冒西土臣自蒙 此推該遷延虚開浮冒其漸不可長也許容孔蘇璞 減但朕之此旨不可宣示於人恐有不肖之州縣借 但時将朕旨密記於心辦理諸務自無太過之 此遵

諭旨我 聖思敬釋 造就者較之他臣為獨多臣鄙陋之質過於拘謹細刻 皇上之知臣實深於臣之自知而臣之得沐 皇上明白指示恍若夢醒自今以後當痛加改省總期 欠三つ員 こう 國以勉副我 下無病於官民上有碑於軍 之失臣實有之而曾不自覺今家 /味此谕旨 十九

地方有事與無事日不同胡可膠柱鼓瑟耶大都庸常 務須勉力符合所奏而行諸凡當相機度勢因時制宜 金好四月全書 見識安閒則易於懈弛倥偬則過於嚴急竟成通病豈 天恩為此謹 移哉戒と 奏 ||諄諄教訓之至意除奉到之日即刻鈔録密寄孔 毓璞欽遵外理合繕摺恭謝 卷二百十二下

聞事本年六月初五日臣聞副都統殷查納徵調青海 奏為奏 聞柴達木沿臺一路賊夷頗有試用汪菼自營回 然後支散伊等心懷怨望是以不得安帖初六日 善辨理又因賞銀不肯随時給發必俟兵馬調 兵丁有到營無幾日即行逃去者因採買馬駝 雍正九年六月十四日蘭州巡撫臣許容謹 齊 不

次足口車之時 一人味机論旨

寧於三四臺中間被竊去銀一百八十兩經歷司

的 百名亦於是夜作變等因臣以事出非常恐有 馬匹敢行稱亂又侍衛席第等帶領額魯武兵 疖 倫之噶蘭大查陵領兵五百名內有扎薩克諾 徐錫亦於三臺失去馬二疋又聞滕各里安設卡 發兵糧餉是急現在存寧米麵銀兩儘敷支用隨 提督馬允中将發兵緣由知會到臣臣 正擬再行密差探聽初七日酉時接准 率領所屬三百餘人於五月二十八日晚搶奪 卷二百 都統德 查西寧 爾

次三四重全事 一味批論 適有都統格梅兒摺匣並公文一角由六臺經過 有賊人數十名將客人所馱物件並土司運送土 抻 撥五萬兩解交西寧備用初九日戌時聞五臺功 加蘇天友被賊夷砍傷又砍傷兵丁二名拏去兵 供應竝飭署布政司事趙挺元再於軍需銀內動 丁三名馬匹盡被搶去搶過五臺之後隨向六臺 匣功加一名兵丁二名亦被裹去又聞二臺亦 時飛筋布政使諾穆圖西寧道楊滙作連照例

丰

内地不可不預為防範令各提鎮将兵馬預備 成馬允中等以臺站搶殺夷性回測恐聚衆侵 復改裹帶十日其餘糧餉隨後雇脚趕運等情 臺馬匹被搶四臺三臺皆在緊急新派前往柴達 妥等因知會到 復飛飭辦理撥兵護送俾無遲誤初十日復准徳 木援勒之兵原議行糧裹帶一 夫口糧俱被搶去等語又據諾穆圖楊滙禀報 臣 臣 復飛咨陝甘二提凉肅寧安 月兹因軍行急迫 停 五 犯 臣

Ţ

卷二百

ナニ下

次已日華在馬 關堡之間舊有馬戶箭手易於團練臣 據顧爾昌禀稱河民甚有懼心人人願自為守而 前調遣站各官親丁外現存不過六百餘名即新 會同署河州協張與小心在意前於冬春之交屢 臣於初七日戌時即插羽飛的河州知州顧爾目 設循化營額兵亦僅八百名地廣兵單誠為可慮 與外夷曾無藩籬之隔僅有 四鎮務期無誤外竊查河州逼處河曲直通西海 /蘇批諭旨 協額設兵丁除從 爾時以西

チニ

金ケロアノコー 國帑於邊防甚有裨益再德成馮允中調遣關臨鞏 導之大可為用已將臣標舊有富餘鳥鎗飭發二 秦河州各營之兵接應西寧臣以河協未便抽減 百桿並令該州勿罪民間所藏悉令輸官烙記 海釁端未兆毋庸紛擾抑不使行今因其勢而利 其餘各營地不臨邊自宜調用亦飛咨徳成馮允 不拂民情不費 切器械隨其所便但為之董率練習扼險固圉 卷二百十二下 及

たこうす 皇上教誨多方稍開閣昧竊以有事於外宜先固其內 臣 必内無可乗之隊而後外有可建之功當此之時 須同心協力勿但委之武職代念臣至愚極陋實 不知兵幸家 本標弁兵分頭管攝并飛飭各屬凡防範地方務 調赴西寧一 中等斟酌行事現在蘭營存城之兵不滿二百又 惟有勤宣 1.1Lin 1 1 1 1 1 1 1 1 1 1 1 一百名城池倉庫不敷照管臣已嚴督

聞伏惟 **睿鑒再臣從前奏摺皆差標員及家人恭齎到京騎騾** 皇上福庇俾小醜指顧就俘即大憝亦無難殄滅耳又 他意和輯民人陰為防維陽示安静固封守足軍儲統 金好四月全書 延緩往回須得五十餘日今事係緊要冒昧遣發 所有現在情形竝防範事宜合即密摺奏 本月十 率屬員同力共濟仰賴 | 日聞柴達木大營蒙古兵丁亦有變動 卷二百十二下

御覽嗣後除尋常奏摺外如有緊要事件可否由驛力 指示欽遵為此謹 若將此為緊要欲請由驛馳奏朕如何批諭且理應 飲亡四車全書 | W人 株批新旨 聞急務並未曾降旨不令由驛齊呈也汝等大吏於 所奏係朕早知已辦之事汝不過得之傅聞尚未詳悉 奏 處并祈 傳牌由驛 齊送兵部轉呈 1. 1. 干四

天思瀝誠奏覆事竊臣接到大學士張廷玉將廷錫字 惟以安静彈壓為貴識之勉之 切防禦之策但當儘力綢繆不宜動容失色搖惑衆心 | 諭朕覽許容摺奏運送米豆一事與查郎阿意見不 奏為感激 合許容之意竟似查郎阿有意與伊矛盾者朕令廷 寄雍正九年十月十五日奉 雍正九年十一月十六日蘭州巡撫臣許容謹 巻二 モーニド 飲它四車全書 一人味批論 與同事之人有意矛盾之理皆許容疑心太重致生 語朕已允行但思查郎阿居心忠厚志在急公必無 凉之米仍照許容所奏聽州縣直運肅州其未過凉 将許容奏摺刪截另寫發交廷議今廷議以已運過 容以致彼此辦理互異並非有意與許容矛盾也朕 嬴安臺接運米豆此事尚未奉旨是以未曾知會許 臣詳查知查郎阿奏請冬天口外停運而以空閒之 糧石已發脚價者暫停扣追俟將來運糧扣抵等

宵旰何等焦勞而為臣子者茍不能合志同心分憂宣 皇上於全教誨感切肺腑不覺涕零伏念當此軍與之 傳諭與許容知之至於許容所奏查郎阿信用匪人 此等猜嫌有失和衷之道不思軍需關係緊要必須 合志同心方於公務有益不負朕之委任爾等可密 之處朕亦密諭查郎阿令其留心不言許容所陳也 際 欽此臣跪讀之下仰荷我

明訓臣當益勵打道合未知其事二年 聖主抑且獲罪於 皇上委任之至意理合瀝誠 奏覆伏惟 負我 力豈但獲罪 和知年阿愚衷之有則不 か 諸雅餘查至 凡汝素郎此 相二無阿況 商人嫌亦查 辨尚除必郎 理恐令深阿 不 同深

春鑒謹 欽定四庫全書 ~ ***

奏

公不勝私安能和衷共濟人我之見未融胸懷小哉 雅正十年三月初九日蘭州巡撫臣許容謹

聞甘省現在情形仰慰 奏為奏

聖懷事竊臣接奉本年正月二十日內閣釣出 諭 一道因京師未得雨雪畿輔及近京各省得雪亦

天勤民兢兢業業之至意為臣工者猶不惶悚省愆彈心 天心做戒廷臣訓飭督撫 皇上敬 命內外大臣等實心奉行不必空言覆奏臣跪讀之下 聖心憂懼虔誠修省的格 仰見 籌畫殆非人 未普遍 類臣次月以來彌益陳陽恐有違

欽定四庫全書 聞查甘省八府三直隸州其河東四府二州慶陽陷州 聖訓於是復加訪察務為預防業經遵照部文就地籌 廷臣彙奏未能詳載情形合再據實奏 即 府 等處並無河渠平凉臨洮鞏昌秦州 畫備細咨覆户部誠恐 而 經渭洮河之旁間有水田民擅其利其河西四 甘州凉州西寧肅州各有山水渠流足資灌溉 州 不特寧夏河渠之利甲於天下無虞荒歉 四和諸旨 卷二百十二下 雖山多川少

陽和土潤犂鋪展施其餘各處秋麥皆已吐青春 等而地土皆不患乾燥即今甘凉西肅一帶日漸 土之情形如此再查甘省地方山坡草峪所在多 雨河西之全收可必目前尚不望雨甘省現在地 麥皆已種植四月得雨河東之豐收可必五月得 者遲至四五月播種始畢冬春各處雨雪多寡不 寒二三月間水融之處俱各廣種其他積雪未消 不患全荒河東地方稍暖現俱播種河西地上較

欠己口上 Litella 一味北部旨

皇上天思脚價草價俱已加增雖有貧窮之民或輓運 金为也是名量 萬五千餘石社倉米穀麥豆等糧共存有一十 萬七千餘石為數無多但查八府三州現貯歷年 再查甘省積貯常平倉米穀麥豆等糧共存有 軍需或析薪刈草咸得自食其力以資朝夕是以 畜為事販賣烹割皆堪度日兼之軍需之際屢蒙 有民便收放而沿邊一帶恒産而外尤以收養性 人人踴躍公私交濟甘省現在百姓之情形如 卷二百 此


皇上怙冒西土 次年四年上十二八味北新旨 至誠感召必慶豐盈萬一二麥稍斯臣自當仰體 虧於民生有濟伏惟 閻之緩急方今播種之際民間偶有缺乏籽種 於各項糧內借給統俟秋成照數還納於倉儲 本者臣或批令於社倉借給或社倉有限即批 十一萬五千餘石雖係軍國之所需亦可以濟 徵存及各案採買米穀麥豆青稞等糧共存有七 千九 閆 令

聖主懷保小民之心不拘何項倉糧均可因時隨地或 聖諭時刻修省務必實心奉行以副我 春鑒謹 聖慮伏惟 奏少舒 ·諄諄訓誨之至意所有現在情形合再繕摺具 在倉貯之情形如此臣欽遵 減價平糶或按户酌借必不致黎民乏食甘省現 卷二百十二下

聖心後因閏五月內所屬州縣間有冰雹傷禾及麥豆 聖懷事竊照甘省今歲四五月間雨水偶缺屢煩 **氓之念少釋矣** 甘省現在各情形嘉悦覽馬果能有偷無患朕顧慮邊 とこうき ここう 奏 奏為再奏地方情形仰慰 生蟲之處復降 雍正十年八月十六日蘭州巡撫臣許容謹 /珠比約旨 Ŧ

金分四月全書一 皇上軫念邊氓固已無微不至近更 恩命自天歡聲匝地臣查甘省連歲收獲俱好今年 特沛恩綸將民屯番族本年應納銀糧草東緊行蠲免 諭旨令大學士寄信臣等多方撫恤悉心籌畫我 通 夏可得八九十分其餘亦均有五六七分不等新 數亦無大減目下麥豆已經登場糜穀正在收割 蠲除舊欠停比民力寬紓軍需爭辨臣自蘭赴 計两河收成雖蘭靖平三州縣稍覺欺薄而寧 卷二百十二下

聖懷謹 聞仰慰 覽奏甘屬收穫尚無大減民力亦不至拮据朕懷深為 萬年天子臣目擊感戴情切實為邊省慶幸合将地方 こううしこう 奏 現在情形具摺奏 焚香嵩呼共祝 肅所過之處無論大小村莊不分男婦老幼莫不 /果比用台



此 聖諭語語脱誠字字愷切臣等恭聆之下莫不心動神 次足四華全書 一味批論旨 語 罕聞者十月十一日路過蘭城臣又得與細該凡不輕上進議抑和平形諸詞色此臣坐平所罕見 爾泰經濟學問遠過常人而自視時若不及望人 快其講論軍務以為賊甚橫肆必先嚴勒而後可 不踴躍鼓舞嚴有立可滅賊之勢至大學士臣 以論撫備極周詳切中機要即下吏末弁聞之無 切軍需地方事務無不開誠指示臣自分愚魯 鄂

鄂爾泰若不如是朕豈如是信任乎洵當則而做之者 聖思於萬一 分り 汝能實具服善之誠朕亦甚為嘉悦 奏為密奏事竊照副都御史暫署甘州提督印 奏 U J 毫無寸長惟 恐納 飲 益加 電 雍正十一年正月初九日蘭州巡撫臣許容謹 格具奏請撥西鳳米麥倉斗三萬二千石運供本 1.77 耳為此繕摺謹 卷二百 勉以仰 報 務

時 撥降奏運 飲定四車全書 味此新道 廷議交署督臣劉於義署撫臣史貽直及臣會議辦 自不能遠涉二千四五百里直運甘州岩再議接 以民力維艱改議運送涇州則此三萬二千倉石 條 年甘標兵丁口糧並肅鎮應需粟米 原議運交平京縣交通衛軍 十凉路途甚近史貼直尚即批諭當否 裡需案内派撥陝省栗米 一例酌 撥

敷已經加增者再為急急籌算未經加增者豈能 急況甘省提鎮羅列兵馬衆多凡屬折價俱有不 當此重兵在外糧餉煩重之時又不得不權量緩 收 **餉業已關領各營猶可支撐似應暫且照舊看夏** 免於希冀若總為核算又不知需費若何矣查春 顧且止就甘標而論核算脚價已需銀二十萬两 運而甘省百姓現辦軍糧為數繁多亦實無暇無 如何再為因時斟酌然當此用兵之際亦不可

欽定四庫全書一八味此新品二五十二日 聖心愛惜兵丁但處事宜加詳慎又不得不據實密陳 敕 下該管各提鎮将大小營伍悉心料理凡營中所 為此繕摺奏 身當重任非不知 留有餘以補不足亦未始非接濟營伍之一端 不加意體恤或請 仰 體 臣 有

事雅正十一年四月十七日內閣奉	河神致祭已畢邊民受福無疆到處數騰恭摺具奏	奏為	雅正十一年七月十一日蘭州巡撫臣許容	60000000000000000000000000000000000000	奏	唇睑生	開伏惟
	恭摺具奏		許容謹		`	٠	

欽定四庫全書 諭旨查照典禮議覆 欽點內閣學士臣德新前往臣先後接准部咨所有應 諭年來陝甘二省地方仰賴 感激理宜虔誠致祭以答 神貺所有應行祭祀之禮著該部速行查議具奏欽 河源之神默垂謢佑暘雨應時民人樂業朕心實深 備祭品專委臨洮道,具廷偉率同臨洮府知府李 此經禮部遵奉 **一种林諭旨**

欽差大人由蘭起程沿途百姓以及鄉勇番回人等感 欽差到蘭臣以事務殷繁未敢偕往即著該道府跟隨 激 處所遵照擇定初六吉日黎明致祭託隨據該道 府州暨河州協副将禀稱 於七月初二日到河州至初五日抵循化營建廟 B 河州知州汪元祐先期敬謹置備至六月三 **着二百十二**

皇上至誠感格捷於影響從此五風十雨嚴嚴豐登 聖恩執香跪迎先後接踵絡繹不斷彼時循化營 欽定四庫全書 欽差大人必誠必敬黎明致祭等語臣迴環披閱仰見 欽差大人甫入公館即陰雲四起甘霖普降歷未申 找 時天氣晴朗 地方半月未雨屬望正殷初五日 二時入土五寸羣歌霑足至夜半交次日初六子 **殊批論旨** 卖 帯 非 酉

春鑒謹 河源之神靈感昭著莫能思議當竭誠致敬可也 奏伏祈 奏為瑞雪盈疇恭摺奏 深感激彌切理合繕摺具 特民慶充盈抑且軍需有賴臣身當重任慶幸實 雍正十一年十 一月十八日蘭州巡撫臣許容謹

聖懷理合繕捐奏 欽定四庫全書 聖主福祐連年有收今年收成更稔公私燕濟官民胥 **聞事竊照甘省地方仰賴** 得力雖食指浩繁糧價貴賤不等而來歲又有豐 稔之象民情甚覺熨帖目擊現在情形實足仰慰 有大縣充足其多種冬麥之平慶鞏泰等府尤為 禀報自二三四五寸至七八寸尺餘不等處處皆 悦更喜入冬以來瑞雪頻降所屬八府三州先後 **株批諭旨** 幸

聞謹 聖恩愈分臣父感悚恭摺具奏事竊臣年前十 所奏情形以手加額覽之西陲雨雪較之他省關係尤 為緊要朕不勝代卿喜慶馬 奏為 奏 雅正十二年三月初 六日接到河東督臣王士俊來礼敬録 日蘭州巡撫臣許容謹 月


恩旨之後督院存問頻至兼有魏遺司道府縣亦各送 賜封賜福燕 推思錫類有加無已 聖主之思施宗族鄉黨爭為傅頌惟是 次10月年上十二八味批新旨 奏謝今於本年二月十九日接臣父手字內云自奉 一味諭臣父自臣任所回家令督臣不時存問府縣 喫食等物先後接踵公祖父母之優禮悉出 留心優待臣跪讀之下感激涕零當即繕摺 弄

恩乃家 溫綸不但感激情切抑且承受不起務將微誠代為陳 思賞之外更有 賜各種服食已極人世之顯榮復 曠典八十二歳老朽無能仰報寝食靡寧夢寐不忘家 命本省大僚存問優待更屬千古之 滋惶愧前已具呈督院代奏謝 中僅有二三蠢僕各衙門遣使到日疎畧不周亦

金岁口屋石量

卷二百十二下

聖鑒即捐糜頂踵亦何能酬惟有事無鉅細殫竭心力 加思臣父愈高愈厚臣只此赤誠仰邀 欠三可豆 ここう 聖思敕停各衙門観送稍安臣心等語臣迴環展視跼 奏緣由不敢壅於上 奏竝懇 一禮遇微臣至優至渥 少盡職守於萬一耳所有臣父屬臣代 路難安伏念我 一人珠比谕旨



次它四車全書 一颗人味批論 聞事據肅州道黃文煒詳據甘州府知府馮祖悦禀稱 該生考試完畢將原告生員摘提數名飭發職道 急於催追以致諸生具控亦未可定理合詳請俟 多有充當渠甲承領採買軍需糧草等項或該縣 等始進院考試等情查高臺縣地處邊末生監等 雍正十二年七月二十八日學院按考甘州二十 斯文不願赴考等語甲府同張掖縣再三勸諭伊 九日聞高臺縣諸生具呈學院口稱高臺縣凌辱

題祭倘係刀玩劣生因押追軍需採買等項妄行具 親 地 然事屬因公且平日居官尚無劣蹟於一 程元度不能設法催科以致若草曉曉原難辭 凡交納錢糧承辦軍需不得不向伊等催督該縣 控亦請懲治以儆刁風等情呈詳到臣臣查高臺 邑民少差繁生監與齊民一體輪流充應里甲 方頗知黽勉若因此祭處恐長刀風至該生等 訊確情如該縣果有苛虐情弊即行詳揭 一切軍 需 各

老二で十二下

聞伏惟 欽定四庫全書 完結外理合繕摺奏 褫革發審在案除俟肅州道審明詳報至日酌量 咨已将文生李鴻石中玉武生泰琮李亨泰行學 查倡率起釁之人確訊究擬并准學臣王蘭生移 首犯固難竟寬脅從不便概及業經批令該道根 考挾持但始雖有不願考試之言旋即遵諭入場 即使果被凌辱亦應據實呈禀何得倚恃人衆籍 林北新旨 型

前已有旨諭部此等刀風何可令其滋長自當確訊起 思弱職欽奉 旨事竊照署理甘肅提督劉世明縱兵為盜負 **釁之由從重戒飭以為懲一** 聖鑒謹 奏為請 奏 雅正十三年正月二十九日蘭州巡撫臣許容謹 一儆百之道

文三日草 Lim 一論交署督臣劉於義會臣審擬臣等接准部文俱即 題為此繕摺 奏請伏候 此查看亦屬有益自應臣赴肅會同審擬具 量緩急稍為權宜且甘凉肅一帶地方臣又可借 便他離臣雖亦有現辦軍需及地方案件尚可 詢到臣臣思劉於義駐智肅州料理出口軍需未 欽遵知會在案近經劉於義以應在何處會審商 一 味批諭旨 野 酌

容會審之際其秉公嚴鞫終毫毋得疎漏 聞近日雨水情形事竊照今歲遇閏節氣稍遲春種麥 皇上訓示謹 金グロガノニー 所請是劉世明辜恩背徳情最可惡殊為國法之所難 奏為奏 奏 雍正十三年三月二十六日蘭州巡撫臣許容謹 豆俱在清明前後查河東四府兩州自二月二 卷二百十二下 ここう こここ 雪不及河東而水田居多籍資渠流其傍山高崖 北鄉 甘霖未種者尚可及時趕種至現辦軍需河東即 之旱地因缺雨雪播種維艱惟望旬日之内普降 陷州及秦屬之秦安得雨止一二寸而固原環縣 将畢惟平屬之固原應州慶屬之環縣直隸秦州 得雨雪有三四五六七八寸不等冬麥發長春種 以後至今 帶地土萬阜望澤較急再河西各府州雨 八米七斤分 月有餘陰雲時布膏澤頻施各屬報

一天感應可望如期得雨也 金好四月全書 汝誠念切民依則自蒙 開謹 奏 奏為奏 减落理合繕摺奏 日可竣河西正在停忙百姓盡力南畝糧價日就 雍正十三年閏四月初七日蘭州巡撫臣許容謹 **W** 卷二百十二下

聞事竊臣 奏缺雨之平屬固原廳州慶屬環縣直隸泰階二州 縁雨少風多山坡旱地望澤頗殷而平番縣城 及秦屬之秦安縣三月二十二三及二十五等日 早再河東各府州内前 南及與平番接壤之碾伯西寧近日禀報尤為亢 切糧價錢價以及各項物價日就平減兵民安堵 報各得透雨至交四月以後北路平屬隆德以 自蘭赴肅歷河西涼甘肅各屬留心察看

欽定四庫全書 聞謹 燥禾苗發長維艱現在虔誠祈禱等語伏思時當 夏令正在喫緊幸今年遇閏節氣稍遲旬日之内 據署布政司楊應琚禀稱將近一月未雨土脈乾 及鞏屬會寧安定臨屬狄道河州蘭州金縣 雨水不缺田禾滋長茂盛惟北路平屬静寧以西 東至慶陽府屬南路鞏昌以及秦階各府州大 普降甘霖尚無妨礙所有現在情形理合奏 琴 味批諭旨 带 縣

心轉移之效 聞事竊照蘭州附近州縣得雨情形臣於前月紫經 雨澤愆期益必有由省心體察刑政方可冀 奏為甘雨連降恭摺奏 奏報在案其前奏未據報到河東河西各屬水旱田 雍正十三年五月初九日蘭州巡撫臣許容謹 地俱已得雨霑足再三十日戌時起至初 日酉

聖鑒謹 欽定四庫全書 奏伏惟 奏 成俱有可望至會寧固原環縣百姓正在陸續回 長發未種晚田皆已趕種雖夏收不能全豐而秋 時止蘭州又得大雨一晝夜淋漓透徹初二三四 籍民氣舒畅地方寧帖理合繕摺具 五等日亦復雷雨時作處處霑濡在地禾苗勃然 对北部 卷二百十二下

慰 覽奏河東河西所屬地方甘雨連降情形朕懷曷勝欣 欠了已日上 All hill 一一一八味批論旨 諭旨確查情由據實陳奏臣隨即行令司道會同查訊 旨事竊照臨洮府丁憂知府李綺虧空軍需銀七千 奏為據詳請 嗣因李綺以抱病不能來蘭回覆色臣因公赴肅 百餘两一案奉 雍正十三年六月二十六日蘭州巡撫臣許容謹 四六

金万四屋有電 軍需案內製辦鞍屉修補糧車以及買換挑退 楊應琚按察司齊式臨洮道吳廷偉詳稱遵即會 事竣回關據李綺之子李承震呈稱已在原籍 頭雇募夫役共賠墊銀三千七百餘两又與原任 調李綺到蘭訊據稟開綺於雍正八年在河西大 令作速檄調李綺詢明呈報去後今據署布政司 到銀三千两井開出借幫各員具呈到臣臣 洮道李元分辨皮手套解送大營綺獨自賠墊 卷二百十二下 义 批

銀 之際因公那借旋即離任又如署岷州丁祐吉從 兩至於幫借之說如原署金縣楊駒劉元藻汪茨 用過銀一百八十两以上共賠銀五千五百六十 衝壞河橋賠墊修補船隻銀八十餘兩又雍正十 縣無業窮民捐銀四百五十餘兩又因洮河水發 王者弼以及原任蘭州廳梁德隆俱屬辨理軍需 二年春月因西安長運糧車多走僻路修理車道 百五十两又雅正十年春間賑濟狄道 學之一

金岁巴屋台電 量不及綺適在省著家人代雇騾數頭約用銀 實無借項惟去年李世倬赴楚之後家眷起身力 事伊係現任藩司著追甚易綺豈肯不行開出以 前在蘭押運軍糧盤費短少亦有借項再原任四 抵那項反代李世倬捏飾之理以上除綺辨公賠 百两李世倬竝不知道今屡蒙駁語如果實有其 亦有零星幫借再如湖北藩司李世倬雖有傳言 巡撫王景瀬係綺舊日上司目擊其在蘭窮苦 卷二百十二下

次至四車全書 一人味批論旨 道李元等俱係革職窮員猝難追還綺情願代 不敢久懸 項李世倬實在不知無憑著追其餘如原任臨 赴部另補及現任之員應請著追至代產縣 未還之二百七十两丁祐吉未還之一百兩尚係 也查前各借項内如汪菼借用之三百兩王者殉 墊銀五千五百餘兩其借墊各項除去已還尚有 千八百餘兩此綺虧空七千三百餘兩之原由 四十八 頭 賠 洮

皇思等情據詳到臣臣查李綺所開軍需賠墊及各員 帑項除今現交銀三千兩并應追銀六百七十兩外 價仍親身解甘以清各款庶微末小臣不致曠稽 െ 據情轉請勒限半年暫令綺回籍覓售 若准開抵儘足完補但綺羈身邊地呼應不靈仰 尚不敷銀三千六百餘兩綺自計原籍田房數處 借幫與臣訪查數目雖其中亦有不同之處而多 寡究不甚相遠惟李世倬一千六百兩止稱代為 卷二百十二下 得賣

次定四車全島 | · 《味批输旨 奏請以便及時料理完補情詞甚是迫切難以再為 勒限半年准令回籍變補之處臣未敢冒昧具 追外其餘未完銀三千六百餘兩應否如其所請 者弼丁祐吉各名下應追銀六百七十兩作速 推求除将凑到銀三千兩飭司查收并将汪茨王 問堅稱人言雖有實無其事惟求速為 司道多方開導再四駁詰又經傳至臣署當面詢 雇覓騾頭用銀一 百兩大相懸殊難以憑信復令 ! 四九

李綺 頗多獨將此奏差人齎呈以致躭延時日是何意見似 虧銀兩既有田房堪抵但當速遣回籍折變完補亦何 勒限逼促且汝於不關軍需庶務由塘報中附奏者 奏 奏請伏惟 題為此繕摺 上訓示謹 事前旨甚明乃必令赴蘭到案殊屬膠執其所 卷二百 次包事全島 一味北南旨 此襟懷狹隘豈具有包括封疆之量耶朕實代汝恥之 碌批諭旨卷二百十二下 卷二百十二下